

22 Oct. 2025

समे 18:15 Hrs

<><><><><><>

Headlines

- प्रधानमंत्री नरेन्द्र मोदी होर 24 अक्टूबर गी वर्चुअल माध्यम राएं **रोजगार मेले** गी सम्बोधित करगंन। जम्मू च होने आहले सरबन्धी कार्यक्रम च केन्द्रीय मंत्री किरण रिजिजू होर हिस्सा लैगंन।
- नगरोटा ते बडगाम विधान सभा हलके दे उपचुना लेई भरे गेदे नामांकन पत्रे दी जांच च 27 नामांकन वैध पाए गे।
- श्रीनगर च कल्लै थवां जम्मू-कश्मीर विधानसभा दा 9-रोजा इजलास शुरु होआ रदा ऐ।
- बन्ने दी सुरक्षा गी होर बी निगगर बनाने दी इक कोशश तैहत जम्मू-कश्मीर च कब्जा रेखा पर तारबन्दी दा दर्जा बदाइयै इस्सी होर बेहतर कीता जा रदा ऐ।
- उपमुख्यमंत्री सुरेन्द्र चौधरी होरें सुंदरबनी वेरीपतन झलास आहली राष्ट्रीय जरनैली सिड़क दा दर्जा बदाने दी जानकारी दिती। इसदा मकसद राबते गी होर बेहतर करना ऐ।

<><><><><><>

PM- Rozgar

प्रधानमंत्री नरेन्द्र मोदी होर 24 अक्टूबर गी **रोजगार मेले** दे 17मैं संस्करण गी वर्चुअल माध्यम राएं सम्बोधित करगंन। इस दौरान बक्ख-बक्ख सरकारी मैहकमें च नमें नियुक्त मेदवारें गी उन्दी नियुक्ति सरबन्धी चिट्ठियां दितियां जागंन। इस सरबन्धै च कार्यक्रम श्री माता वैष्णो देवी युनिवर्सिटी ककरेयाल रियासी दे मैत्रिका सभागार च होग। पार्लिमानी ते अल्पसंख्ये दे मामले सरबन्धी केन्द्रीय मंत्री किरण रिजिजू होर इस कार्यक्रम च मुख परौहने होगंन। एह् कार्यक्रम बड्डलै साइडे 9 बजे शुरु होग।

<><><><><><>

Scrutiny By Polls

औंदी 11 नवंबर गी नगरोटा ते बडगाम विधानसभा सीटें लेई होने आहले उपचुनांs लेई दाखल नामांकन पत्रे दी जांच-पड़ताल दा कम्म अज्ज सबूरा करी लैता गेआ ऐ। इ' नें दौनें असैम्बली हलकें दे रिटर्निंग अफसरें मूजब, नगरोटा हलके लेई 10 नामांकन, जदके बडगाम हलके लेई 17

नामांकन दुरुस्त पाए गे न। ध्यानजोग ऐ जे इ' नें दौनें सीटें लेई कुल 33 मेदवारें नामांकन भरे दे हे जि' दे चा 20 नै बडगाम ते 13 नै नगरौटा सीट लेई अपनी नामजदगी दाखल कीती दी ही। इ' नें सीटें लेई मतदान 11 नवंबर गी होग जिसलै के वोटें दी गिनतरी 14 नवंबर गी कीती जाहग। मेदवार जेगर चाहन तां 24 अक्तूबर तगर अपने नांs वापस लेई सकदे न।

<><><><><><>

LA Session Prep

जम्मू-कश्मीर विधानसभा दा 9वें दिनें दा इजलास कल्लै थमां श्रीनगर च शुरू होआ करदा ऐ जेहदे लेई लोड़चदियां सब्बै तैयारियां मुकम्मल करी लैती गेदिआं न। 23 तरीक कोला लेइयै 31 तरीक तगर चलने आहले इस इजलास लेई स्पीकर अब्दुल रहीम राथर हुंदे आसेआ जारी शुरूआती कलेंडर मुजब, इजलास दी शुरूआत पिच्छले ते इस इजलास दरान पूरे होई गेदे विधायकें, सांसदें जां होरनें साबका मिम्बरें गी श्रद्धांजलि देने कन्नै होग। सदन दी कार्रवाई बाकी 6एं दिनें धोहड़ी चलग। इस केहड़े इजलास दरान केई महत्वपूर्ण विकास मुद्दें, आम जनता दी भलाई-बेहतरी सरबन्धी विशे ते केंद्र शासत प्रदेश कन्ने जुड़े दे मुद्दें उपपर चर्चा ते कार्रवाई होने दी मेद ऐ। इजलास दरान सुरक्षा ते रमानदारी बनाई रक्खने लेई बी लोड़चदे सब्बै बंदोबस्त कीते गेदे न।

<><><><><><>

JK Smart Fencing (Byte)

देसै दे बन्नै दी सुरक्षा प्रणाली गी होर तगड़ा बनाने दी इक बड़ी कोशश दे तैहत भारत सरकार जम्मू-कश्मीर च कब्जा रेखा पर 740 किलोमीटर लम्मी तारबंदी दा दर्जा बधाइयै इसी स्मार्ट तारबंदी च तब्दील करा' रदी ऐ। भारत गी पाकिस्तान दे नजैज कब्जे आहले जम्मू-कश्मीर थमां बक्ख करने आहली कब्जा रेखा पर हुन आर्टिफीशियल इंटेलीजेंस, इन्फ्रारेड ते थर्मल स्कैनरें ते होरनें रक्षा प्रणालिं दे कन्नै लैस कीता जा' रदा ऐ। दर्जा बधाने आहली इस गैह् दा मकसद, बन्ने पारा थमां घुसपैठ दिएं भैड़ी कोशशें दा असल समें च पता लाना ते उ' नेंगी कन्नो-कन्नी नाकाम बनाना ऐ। एह् गैह्, बन्ने पारा आहले आतंकवाद गी खत्म करने ते संवेदनशील सरहदी इलाकें च निगरानी बनाने सरबन्धी भारत दे जतनें दा गै हिस्सा ऐ। इस बारे पेश ऐ साढ़ी एह् खास रिपोर्ट

<><><><><><>

PM MKB

प्रधानमंत्री नरेंद्र मोदी होर औंदी 26 अक्तूबर गी अपने रेडियो कार्यक्रम “मन की बात “ दे राएं देश-बदेश च रौहने आहले श्रोताएं कन्नै अपने बचार सांझे करडन। हर म्हीने दे खीरले ऐतवारें दिनें 11 बजे प्रसारित होने आहले इस कार्यक्रम दी एह् 127मीं किश्त होग, जेहदे च शामिल करने लेई लोक अपने बचार ते सुझाs टोल फ्री नंबर 1800-11-7800 पर भेजी सकदे न। एहदे अलावा लोक अपने बचार नरेंद्र मोदी ऐप जां माई गोव ओपन फोरम पर ऑनलाइन बी भेजी सकदे न। सुझाs भेजने दी

खीरी तरीक 24 अक्तूबर रक्खी गेदी ऐ। हासल सुझाएं चा ताले गेदे किश बचारें गी इस कार्यक्रम च शामिल कीता जाई सकदा ऐ।

<><><><><><>

Dy CM Sunderbani Road

उपमुख्यमंत्री सुरिंदर चौधरी होरें अज्ज सोशल मीडिया दी इक पोस्ट दे राहें जानकारी दिती ऐ जे प्रदेश च सुंदरबनी-बेरीपतन-झलास तगर दी इक-लेन आहली राश्ट्री जरनैली सिड़क दा दर्जा बधां दे होई एहदे दौने बक्खी स्थिर ते ठोस सतह दा निर्माण कीता जा' रदा ऐ। इस गैह दे कन्नै हुन इस सिड़कें दी चौड़ाई 5 इशारिया 9-5 मीटर शा बधियै 7 इशारिया 4-5 मीटर होई जाहग जेहदे' नै औने-जाने आहलें लेई बादू सुरक्षा जकीनी बनग। इस सुधार दा मकसद, जातरा सरबन्धी हालात च सुधार करना ते लोकें ते माल-समेयान दी निविघ्न ढंगे' नै आओजाई जकीनी बनाना बी ऐ। एहदे कन्नै खिते च ढांचागत विकास गी बी रफ्तार थोग।

<><><><><><>

India Forests

भारत नै दुनिया भरै च वन क्षेत्र च 9मीं थाहर पर आइयै वैश्विक पर्यावरण संरक्षण च महत्वपूर्ण उपलब्धी हासिल कीती ऐ। इंडोनेशिया दे बाली च खाद्य ते कृषि संगठन आस्सेया जारी वैश्विक वन संसाधन आकलन 2025 च एह जानकारी दर्ज कीती गेई। पर्यावरण मंत्री भूपेन्द्र यादव होरें आखेया जे पिछले आकलन च 10मीं थाहर थां ताजा आकलन च 9मीं थाहर पर औना बड़ी उपलब्धी ऐ। उनें आखेया जे प्रगति वन संरक्षण ते समुदायिक जत्नें राएं पर्यावरण संरक्षण दी दिशा च सरकार दियें नीतियें ते कार्यक्रमें दी सफलता गी दर्शादी ऐ।

<><><><><><>

GST (Byte)

जी.एस.टी दिएं दरें च हाल च कीते गेदे सुधारें कन्नै मुख्य भरै दे परोआरें गी सिद्धी राहत हासल होआ करदी ऐ। आम इस्तेमाल आहली चीजें जि' आं यू.एस.टी दुध, पनीर, बिस्कुट, मक्खन, घ्यो ते इलेक्ट्रानिक्स चीजें पर जी.एस.टी घटने कन्नै हुन परोआरें दे बजट उप्पर घट्ट बोझ पवा'रदा ऐ ते लोकें दी खर्च करने दी ताकत बधा करदी ऐ। रामबन जिले दी बसनीक गीता नांs दी इक गृहिणी ने इलेक्ट्रानिक्स ते होरनें जरूरी चीजें उप्पर जीएसटी दिएं दरें च कटौती लेई केन्द्र सरकार दा धन्नवाद करदे होई आखेआ ऐ जे ऐसी पैहलकदमियां मझाटले तबके दे परोआरें लेई बड़ी फायदेमंद न। इस सरबन्धै च आकाशवाणी समाचार कन्नै गल्ल करदे होई उ' नें आखेआ.

<><><><><><>

Vishwakarma Day (Byte)

अज्ज विश्वकर्मा दिवस मनाया जा रदा ऐ। इ'स दिन गी मनाने दियां खबरां कैंई सारी थाहरें थ्वां हासल होआ र'दियां न। कैंई सारे श्रद्धालुएं विश्वकर्मा मंदर जाइयै मत्था टेकेया ते सब्बनैं दी खुशी, समृद्धि ते आपसी भाई-चारा बनाई रखने दी कामना कीती। मंदर च भजन ते लंगर दा बी आयोजन कीता गया। इस दिन भगवान विश्वकर्मा हुंदी पूजा कीती जंदी ऐ, जिनेंगी दुनिया दा पैहला वास्तुकार बी मन्नेया जंदा ऐ। अज्ज दे दिन लोक अपने औजारें, मशीनें ते गड़्डियें दी पूजा करदे न। आकाशवाणी समाचार कन्नै गल्ल करदे होई उधमपुर जिले च विश्वकर्मा संस्था दे प्रधान विजय कुमार मन्हास होरें आखेया



Kathua Free Surgeries

कठुआ दे जिला प्रशासन नै रोट्रा इंटरनैशनल दे सहयोग कन्नै लोकें गी बेहतर सेहत सेवा उपलब्ध करोआने आहली भेठा इक बड़्डी गैंह पुट्टदे होई 27 अक्तूबर थ्वां 31 अक्तूबर बश्कार मुफ्त ऑपरेशन करने दा सरिस्ता कीता ऐ। एह सारे ऑपरेशन जी.एम.सी. कठुआ दे सहायक अस्पताल एस.डी.एच बसोली ते एस.डी.एच बनी च कीते जागंन। इसदा मकसद पच्छेत्रे इलाके च रौहने आहले बेगोरें लोकें गी बेहतर सेहत सहूलतां उपलब्ध करोआना ऐ। नागरिकें गी सलाह दिती जंदी ऐ जे ओह अपने नेड़े दे ब्लाक मैडिकल अफसर दे दफ्तर च अपना नां दर्ज करोआन ते सारी लोड़चदी जरूरी जांच पैहले गै करोआई लैन।

